

奩

史

奮史卷十五

東吳王初桐于陽臺迷

皖城余鵬年伯快校

眷屬門二

女

衛子夫爲皇后貴震天下天下歌之曰生男無喜女  
無怒君不見衛子夫霸天下

東觀漢記

武帝大採公卿女以充六宮胡奮女選爲貴人奮有  
一男早亡及聞女貴哭曰老奴惟有二子男入九地  
之下女升九天之上

晉中興書

王肅女于文義過目則識祖朗異之曰與吾家者必此女矣

王隱晉書

後周獨孤信三女俱爲后各生周隋唐一朝天子長

生周武帝次生隋煬帝次生唐高祖

獨異志

張公直自九江守徵還經廬山祠女戲廟像其妻夜

夢神人致聘覺言于夫至明船引中流而不行妻曰

愛一女合門受禍也公直遂令下女于江其妻以其

亡兄女代之而船得進尋公直知兄女怒曰吾何面

於當世也復下已女於水中將渡遙見二女於岸側

旁有一吏曰廬君敬君之義惡還二女

水經注

楊貴妃寵盛當時謠曰生女勿悲酸生男勿喜歡又

曰男不封侯女作妃君看女却是門楣故長恨歌曰

遂令天下母父心不重生男重生女

長恨歌傳

崔曙試明堂火珠詩有曙後一星孤之句明年卒惟一女名星星始悟其識也

唐詩紀事

郭子儀因河患禱于河伯曰水患止當以女奉妻已

而河復故道其女無疾而卒子儀以其骨埋之於廟

師友談記

悅生堂臨引乾餿子曰河中立郭公

祠號河濱親家翁

澄城九龍廟廟止有一妃相傳是馮瀛王女司馬核

戲題詩曰身既事十主女亦妃九龍

堪輿子

寄蔡氏女者王公之所作也公以女妻蔡卞此其所  
予之詞也

朱子楚詞後語

霜州臧彥廣省所親於濱州留頗久其長女蘇娘小  
疾在家廣忽見一姝入戶乃蘇娘也問何以來曰得  
參書兄危病因重母憂惱使我省視廣曰我不病何  
曾發書女探懷取示果手筆也廣絕以爲異置女房  
內別設榻迨旦稍空無人廣益驚惜卽日兼程還舍  
女正惓惓卧未起扣以贊事則了未知

其意

吳興有女因山又曰女獄山漢沈敬以柯田山水佳  
甚謀居之其女洩之於姻沈我家年之懷憤其女監

女歸寧因之苧溪之北山墟間

劉經

王仲言有女爲父母憐愛而所以惱其父者非一因戲目之曰摩爺夫人

夷堅志

吳仁璧之女有閒居詩云爲惜苔錢妨換砌因憐山色旋開尊仁璧仙去其後有人於羅浮句曲諸山見引一十歲許女子驗是其女也

雜言雜載

鄭範溪女國色蔣遵強委禽焉鄭與夫人咸抱其女而泣江陵曰範溪可謂涕出而女于吳

作姑漫傳

徐達三女皆貴一爲文皇后一爲代簡王妃一爲安

惠王妃

氏族博考

層長卿女湘靈名瑤瑟爲黃振古妻而長卿子金樞  
娶沈君典文字七襄兩人皆能詩湘靈旣嫁時與七  
襄倡和長卿夫人亦諳篇什故長卿有詩云封胡與  
遇未婦總愛篇章但有圖書篋都無針線箱又云姑  
婦驢相得西園結伴行分題花共笑奪錦句先成一  
時美談也萬歷庚子七襄卒未幾湘靈亦卒兩家載  
刻其詩曰留香草而長卿篤信乩仙其化女湘靈爲  
祥雲洞主侍香仙子亦乩僊所傳也

莖錄

蒲衣子主隼夫婦偕隱結漱廬於西山之麓有女瑤  
湘能詩自稱逍遙居士蒲衣爲刻逍遙樓詩梁太史

藥亭寄示瑤湘書云聞瑤湘讀書余甚喜余與汝祖若翁交凡兩世矣視汝一如已子故甚望於汝之成也余有女龍端少汝一歲頗聰慧余授以詩上口卽能背誦而余性懶不能常授以此龍端之學不及汝聞汝近讀漆園南華又讀禮經更讀離騷余何時得來汝父西山使汝將所讀書各誦一遍俾我冷然稱善也

觚牘續編

有一富翁女自幼聰俊能作詩詞父母欲擇一佳配殊難其人以致年十九而未嫁終日抑鬱一日見梧栢落葉遂題詩其上云新栢初引人皆好小頃婆娑

秋轉到何如早得賞心人  
幾葉題詩相贈報父念其  
意卽擇一富厚者嫁之

附圖

官本雜劇段數有女生外向六么

武林舊事

諺曰盜不過五女門以女貧家故也

陳蕃傳

王樞密夫人梅鼎臣女也入謝慈壽宮太后問夫人

誰家子對曰梅鼎臣女太后曰是聖俞家乎

歸田錄

白興以女爲妻其妻妒之興怒以妻爲婢

前京錄

趙魏之間女謂之嫁子

方言

潘岳有金陵女公子王氏哀辭

潘黃門集

閨中謂女兒爲阿嬌

前杜

青齊呼女曰娒

修辭類稿

俗謂女兒爲賠錢貨

傳音辨正

妖俗字音大女大及姊也

桂海虞衡志

粵中謂女末生曰儘

飴膳

安南俗生女則喜男則憂蓋女貴于男也

安南紀遊

狷人生女還之母家曰一女來一女去

尚籍載志

香山壘在大海中貴女而賤男其家政女子操之

死女襲其業男子則出嫁

珠江奉使記

淵明詩弱女雖非男慰情良勝無

芥隱筆記

白樂天詩行年欲四十有女曰金鑾

長慶集

杜詩嗟汝未嫁女秉心鬱忡忡防身動如律竭力機

杼中

鶴林玉露曰朱文公欲集古語爲女戒謂此四句可入正靜篇

諺有生女耳耳之言東坡詩平生無一女誰復嘆耳

耳

淵鑑類函

北宮氏女嬰兒子者齊人也無兄弟而父母老遂撤

其環瑱誓不適人以奉養父母

師覺授孝子傳

孝女曹娥者父爲水所淹不得其尸娥年十四號慕

思吁乃投瓜于江曰父在此瓜當沉旬有七日瓜偶

沉遂自投江而死

會稽典錄

先尼死湍灘尸喪不得女絳年二十五生二兒矣分

金珠作二錦囊紫兒腰下自乘小舟至父沒所哀哭

自沈後六日與父屍俱出

華國志

搜神記

者舊傳泥和氏名先雄范書及田學紀聞皆作故先雄皆誤何庫曰女而名雄無義理

羊緝之女佩在母亡不飲食三日而死鄉里號曰女

表

掛樓記

孔融被害時有女七歲寄住他舍曹操收之女曰若

死而有知得見父母豈非至願延頸就刑

野客叢書

解結爲孫秀所害女適裴氏明日當嫁裴欲認活之

女泣曰吾女也安識夫家吾家既若此與生而別寧

死而偕耳亦坐死

叢泉雜言

王子雅有三女無男家累千金父沒當葬三女各出錢五百萬一女築墓二女各建石樓石質青綠光可以鑑窮功綺刻妙絕人工

翼學編言

孝女郁宇叔異五歲母不能食郁亦不肯食故宇曰異也

東觀漢記

昔人有九子父死不能葬一女編荆爲棺

古今記孝苑同

七女池昔有人無男而養七女父亡七女負土葬父取土之處成池號七女池

水經注

饑餓餒人餒姓餒名父溺死餒走哭水上三日不食耳鼻流血死明日屍出盧魚盧蝦浮死萬數

柳州集

高愍女名妹妹生七歲父彥昭以濮陽城歸天子母  
兄皆死母憐妹妹請免死爲婢妹妹不欲曰生而受  
辱不如死母兄皆不免何獨生爲遂就刑

李陽律集

昔有夫婦生五女而無男父母亡五女殯葬周備同  
日自縊土人爲築五墓號五女墩

許州志

夏侯碎金適劉寂已生二女會父長雲喪明碎金求  
與寂絕歸侍父疾父亡負土作冢廬其左

女世說補

安重榮誣賈章反殺之欲宥其幼女女泣曰父死我  
忍獨生乎遂請死

山樵暇語

錢塘陳孝女遭兵火無宅隨父依李知事家屈春女

請往母墓悲極哽咽父勉之還則泣告曰比聞李氏  
將北歸吾父女孤貧勢必偕往父老女單閭南北  
何日再至母墓俾綠楊紙錢年年如故乎言與淚俱  
俄大慟仆地隗林漫錄

呂仲洙病殆其女良子與妹細良焚香祝天請以身  
代次日父瘳真德秀表其居曰懿孝廣輿記

有孝女父爲蟒所吞女哭之願見父屍同死俄頃大  
雷電擊蟒墮女前腹裂見父屍女觸石死明史

丁季淵婦張夫人以親染風疾死終身不言風今世

齊景公禁海神請父罪犯之請乃遣晏子之明請曰

以提之故殺婦之父恐隣國聞之謂君愛樹而賤人也晏子言於景公廢為埋之令

淳于意無男坐法當刑其女縱榮上書請入身為官婢以贖父罪天子憐其意為除肉刑

漢書

楊姬生自寒素父坐獄時有尚書告歸姬乃還道訟父冤言語慷慨尚書愍之為出其父

華陽國志

趙璘犯罪有女請隨父死詔哀之兼赦父死

說郛

孝女諸娥父被誣殺罪娥方八歲與舅北走京師訴父冤時有令冤者非卧釘板勿與勘問娥轉輾其上幾斃事乃聞勘之父免娥重傷卒

曲陰縣志

則天后武氏撰孝女傳二十卷

陝西通志

諸葛恢小女與謝真兒婚于是王右軍往謝家看新婦威儀端詳容服光整猶有恢之遺法

世說新語

王皇后諱靈寶幼而柔明淑德叔父見之曰吾家女師也

梁書

愍懷太子妃太尉王衍女字惠風太子廢衍請絕婚後劉曜陷洛陽以惠風賜其下將惠風拔劍拒曰吾太尉之女太子之妃誓不爲逆胡屏遂害之

晉書

西秦文昭王滅南涼納其主景王女爲后已醮景王景王不治死后密謂其弟虎臺曰秦滅吾國本怨何

非好速也況先王之薨又非天命遺言不治欲完卵  
于覆巢下也爲人子女可婢僕仇讐而置冥痛於弗  
雪乎遂相與謀殺王不成死

十六國春秋

鄭氏女有美色父爲江外官維舟江渚羣偷奄至卽  
以金幣恣其運取賊一不犯曰但得侍御小娘子足  
矣骨肉相顧不知所答女欣然請行賊卽具小舟載  
去女曰君雖爲偷得無所居與親屬乎吾衣冠子旣  
爲汝妻豈以無禮見逼若達汝所止一會親族以托  
好速足矣賊見其詞順不疑尋赴江死

王粲子真錄

趙主劉曜以靳準弑逆族其家獨見靳康女美將納

之女曰陛下既誅其父母矣忍使閭門伏鎖而一女  
乘軒且逆人之誅尙洿宮伐樹況其毛裏三號泣請  
死曜傷之免康一子

女世說

王廣女美姿容慷慨有丈夫節廣爲梅芳所殺女年  
十五芳納之於閨室中擊芳不中乃自殺

華陽國志

竇毅之女周襄陽公主出閨隋受周禪自投堂下撫  
膺太息曰恨我不爲男子救舅氏之難毅及襄陽公  
主掩其口曰勿妄言滅吾族毅由是奇之及長適李

淵陳紀

任夢臣卧病不起家徒四壁二女賢甚趙清猷公以

伯助之二女辭不受曰豈敢汗先君清德

語林

崔造相國將退位親厚皆勉之長女賢知書獨勸相國遂決退

曲間鼓吹

曹御史修右無子以建言謫知興化暴卒貧不能歸葬賔佐賻錢五十萬母將受其女白母曰先人忠節不幸謫死無煩受錢以浼清德賻者復請爲嫁女費女復泣曰用錢於喪尚不敢取今欲備嫁是使吾幸父喪而自醜也母遂不受

女世說

浦城徐嗣源之女名彩鸞略通經史青田賊至持刀欲害嗣源女前曰此吾父也寧殺我賊舍父而止女

令父連去賊拘女至桂林橋女拾炭題詩壁間乃厲聲罵賊投水死

元史

淮寇破蕪湖縣欲殺詹氏女父兄女趨前拜曰妾雖棄隨順執巾帶以事將軍賊釋父兄縛女麾手使亟去無顧我我得侍將軍何憾遂隨賊行數里過市東橋躍身入水

女世說

劉氏二女長曰真年十九次曰孫年七皆未許嫁陳友諒兵至其母曰城或陷置汝何所二女曰寧死不辱父母也城陷二女自縊其婢鄭奴亦縊

明野史

范氏二女幼習讀書及適人而俱寡二女同守節樂

高垣圍田十畝穿井其中爲屋三楹以居汲井灌田

三十年自爲塋於屋後及卒竟合葬焉

會稽志

節婦貧倡郝氏女也生數歲鬻於趙氏爲養女既長而趙郝復奪之女曰願業章織以奉甘旨誓無汚我縱有少年厚利授郝郝百計誘娥且欲強之娥投河而死

卷五

臨州女子李哥其母一枝梅倡也哥年十二三時母教之歌舞哥泣曰女率有工緊我獨爲此乎母告以業不可廢遂不粉澤所歌多仙曲道情有召見者必凝立庭前目不流盼與之酒弗飲孟津縣令厚賂其

母夜抵舍欲私之哥懷利刃閉卧內罵曰汝職在牧  
民而徇棄之不若不急去吾先殺汝而後自殺令驚  
走時監州聞其賢聘爲子婦猶處女也

彈園雜誌

韓汝慶死其妻屈安人亦沒有女異痛其父母繼亡  
父集旣梓而母詩不傳以書詒康太史之女爲母詩  
乞序其詞酸楚願籍皮爲楮削骨代穎以傳母集太  
史感而爲之序

玉壺冰

許穆夫人爲齊聘將予許托傳母言於君懿公曰諸  
侯有女所以苞苴玩弄繫援大國若舍大與小一旦  
難起驅馳孰與慮社稷不從果罹狄禍

女世說補

王章爲王鳳所陷下獄妻子皆收章小女年十二夜起號哭曰每日獄上呼囚嘗至九令八而止我家君素剛烈先烈者必我家君也及明問之果章死矣

漢書

周顗母李氏名絡秀少時在室顗父俊行獵遇雨而至絡秀之家會秀父兄不在秀與一婢於內宰猪羊具數十人饌事事精辦而不聞人聲俊覘之獨一女甚美因求爲妾其父兄不許絡秀曰門戶殄瘁何惜一女若連貴族將來庶有大益遂許之生顗等及長絡秀謂之曰我屈節爲汝家妾門戶計耳汝不與我家爲親吾亦何惜餘年顗等從命

晉書

譙縱叛晉自稱成都王兵敗將出走先辭其墓縱女  
謂曰走必不免祇取辱焉等死死於先人之墓可也

縱不從而走卒自縊

女世說

謝晦被誅其女爲彭城王義康妃聰明有才貌被髮  
徒跣赴訣曰阿父大丈夫當橫屍戰場奈何狼籍都  
市言訖叫絕行人爲落淚

野航史話

吉懋以事脅崔敬娶其女爲子瓊妻一日花車卒至  
門敬妻鄭氏抱女大哭女堅卧不起其小女白母曰  
父有急難殺身解救設令爲婢尚不合辭姓望之門  
何足爲恥姊若不可兒自當之遂登車去

聞闌語林

李重中夏名士其女高明重每咨焉

何氏語林

羊耽妻辛氏憲英辛毗女也有才鑒魏文立爲太子  
抱毗項曰知我喜否毗以告憲英英曰太子代君主  
社稷者也代君不可不戚主國不可不懼宜戚而喜  
何以能久魏其不昌乎

何氏語林

居士將入滅謂女靈照曰視日早晚及午以報靈照  
出戶遽報曰日已中矣而有蝕焉可試暫觀居士避  
席臨牕靈照乃據榻趺坐而逝居士回見笑曰吾女  
機鋒捷矣

履居士語錄

女子以死殉未嫁之夫是過中失正之行

東谷贊言

女子未嫁人而守節歸熙甫著論非之兩航雜錄  
朱錫嘯曰未嫁守節雖過乎禮亦合乎從一之義

項貞文字周應閏周病療謂乳媼曰未嫁而夫亡當奈何曰未成婦改字無害文正容曰昔賢以一劍許人猶不忍負况身乎計閏遂自經祐山雜記

羅勤女靜與同縣朱曠結婚禮未成勤遇疫疾曠觸冒經營尋病亡靜感其義誓不嫁有楊祚者多將人眾自往納幣逼出見靜曰實感朱曠爲妾父死是以託身亡者自誓不貳辛苦之人願君哀而舍之如其不然請守以死祚乃去三餘錄

宋史平章彌遠家於東湖有女才色雙絕自言世間  
男子無可與匹若遇衛玉人之貌兼元才子之文則  
嫁否則寧以處子潔終耳於東湖建一亭曰浣粧其  
上脂粉所流人題曰香塘竟不嫁老

明燈新話

李擢妹法行幼好道自誓不嫁遂爲尼逢屠牽牛脫  
衣求贖雉兔馴狎入其山居房室

萬善同歸集

元紹興路一女年及笄守志不嫁後父母逼嫁之定  
情之夕題詩壁上有洞房花燭休休清風明月皎皎  
之句書訖擲筆而逝

楊林三筆

吳王爲太子聘齊女女思齊日夜泣因病闔閭乃起

北門曰望齊門令女往遊其上女思不止病益甚乃  
至俎落女曰令死者有知必葬我虞山之巔以望齊  
國閭閻傷之乃如其言

吳越春秋

越臺相傳越王女嫁於此懷土思歸築臺居之

建康志

女思山漢來欽曾孫女嫁爲張德子婦隨夫還至此  
山南望其父母思慕而死遂葬焉

襄陽府志

蜀王妃不習水土欲去王作東平之歌以樂之

蜀本紀

蜀王妃思其父母歸寧王製歸邪之曲

蜀都碎事

吳安持妻蓬萊縣君王氏荆公女也寄父詩云西風  
不入小牕紗秋意應憐我憶家極目江山千萬恨依

然和淚看黃花荆公以楞嚴經釋付之并和以詩曰  
青燈一點映窓紗好誦楞嚴莫念家能了諸緣如夢  
幻世間惟有妙蓮花

冷齋夜話  
依然作依前

隱居詩話持作特

齊潛王被殺其子法章爲莒太史敫家傭敫女竒法  
章狀貌因與私焉及法章爲王以太史敫女爲王后  
敫曰女無媒而嫁汙吾世矣終身不覩君王后類書  
纂要  
齊諧記有失女零丁零丁今之尋人招子也天祿識  
餘

闔閭女怨王先食蒸魚乃自殺葬閭門外其女化爲  
白鶴舞於吳市後陷成湖今號女墳湖

吳越春秋

蜀王女年二十亡王哀悼不忍言二十

華陽國志

同昌公主之喪懿宗與郭淑妃悼念不已李可久爲

造嘆百年舞曲詞語淒惻聞者流涕

唐會要

長洲杜子紆次女年甫十四日與其母刺繡水亭母  
忽夢一少年郎君頂金冠衣緋袍升堂自通曰某震  
澤龍王幼子也與夫人次女有緣特來就婚婦曰我  
女許字吳氏無更嫁之理少年大怒曰若賴我昏也  
爾女終不能爲吳氏媳婦驚寤至五月朔女曉粧初  
罷偕侍兒詣亭前摘海榴飾鬢瞥見少年從池中躍  
出挾之投水侍兒急呼主母并僕人撈救已沉水底  
不復生矣婦悲號顙天夜夢少年來謝曰爾女已得

佳婿奚哭爲

聞見畧

葉氏女生而知書及笄常注目天際如有所思一日晨起嚴粧飾趨父母前禮拜若將遠離者詰之無語但頻視日景及午忽入室闔戶跣趺西向坐手結三昧印舉體香如芳蘭母入視之已化去矣

居易錄

葉紹袁延泂菴大師招亡女小鸞至問鸞死時是何光景何人邀往鸞云去時但見童面如玉女面如珠紫金幢赤珊瑚節大紅流蘇結爲臺閣青倪駕橋赤虬驂乘黃雲蓋頂青雲捧足紅雲開路白雲護身爾時殊樂不知苦也

續竊聞

曹植金瓠哀辭序金瓠予之首女雖未能言固已授

色知心矣生十九旬而夭折

曹子建集

潘岳有金鹿哀辭金鹿潘岳女也

唐類函

潘岳任澤蘭哀辭澤蘭者任子咸之女也涉三齡而

殞遂爲其母作哀辭

潘黃門集

後主穆后名舍利母名輕霄女侍中陸太姬養以爲

女后以陸爲母更不保輕霄

北齊書

慈聖光獻皇后養女范觀音得幸仁宗溫成患之會

歲大旱仁宗祈雨弗應心竊憂懼溫成養母賈婆婆

陰謂丞相請出宮人以引災變上從之溫成乃日上

非出所親厚者莫能感天意首出其養女以率六宮  
范氏遂被出

春明退朝錄

盧義娥名桂香幼鬻吳愛奴爲養女愛奴母盧有姪  
三才依姑餬口愛奴僕御之一日愛奴與妻李對案  
食三才入愛奴叱之三才掣腰間匕首刺愛奴死娥  
持賊裾大呼賊斫其頭血淋淋下娥持裾如故賊惶  
急曳至衢娥呼擒賊不休賊斷其指乃去娥竟死衢  
中大驚市人邏者糾衆擒之娥時年十歲

張鶴鳴義  
娥傳畧

俗稱養女者爲養婆馬

筠廊二筆

周令後妻攜三女周撫之如已女

洛陽耆紳舊聞記

姪女孫女姪孫女外孫女

謝道韞安之姪女桓元問道韞曰太傅東山二十餘年遂復不終其理云何謝答曰亡叔先正以無用爲心顯隱爲優劣始末正當動靜之異耳

几上言

王世充稱帝東都以兄女妻楊慶及世充將敗慶欲將妻歸唐妻曰國家以妾奉箕帚於公欲申厚意結公心耳今家國阽危不顧婚姻孤負付屬非妾所能責公也妾若至長安公家一婢耳願送還東都君之惠也慶不許妻沐浴靚粧仰藥死

女世說

白居易見小姪女鵬娘製衣寄詩獎其早聰

香山集

韋后姪女韋十娘封郡夫人

三老堂雜志

韓侂冑母憲聖女弟其妻又憲聖女姪也

紹興行禮記

朱淑真海寧人文公姪女

四朝詩集

李白卒後范傳正訪其後裔惟二孫女嫁爲民妻進止仍有風範泣曰先祖志在青山墳葬東麓非素志也若逝者有知恐魂魄猶繞青山耳

彰明遺事

陳了翁問家人曰並坐不橫肱何也其孫女方七歲答曰恐妨同坐者

獨醒雜志

邵士梅自記前生爲棲霞處士生四子及卒值四子皆出獨孫女垂涕送訣後適棲霞尋其故居四子並

已物故惟孫女孀居髮且白矣邵與叙前生及沒時  
景狀悉符因解金明之

觚勝

宋度宗全后乃理宗母姪孫女一日隨入宮理宗問  
曰爾父昭孫昔沒王事念之可哀后對曰妾父可念  
淮湖之民尤可念也理宗異之曰全氏女言辭甚令  
宜配冢嗣

女世說

劉瑾愛曹雄之子謚以姪孫女妻之

中官考

鄭生應舉上京投宿西郊一老母問鄭婚未以外孫  
女柳姓配之夕成禮數月姑命鄭生將婦歸柳家鄭  
至柳氏舉家驚愕視之與女無異既下車冉冉行庭

中內女聞之出兩女忽合爲一體窮其事乃是女之

外祖母先亡而嫁外孫女之魂焉

靈恆錄

米元章以女女妻段拂

軒渠錄

### 女壻

東齊之間聳謂之倩

方言

昭德諸晁謂婿爲借倩之倩近世方訛爲倩盼之倩  
予幼小不能叩所出至今悔之

老學菴筆記

孫文英與李元禮俱娶桓叔元女時人謂桓家兩女

俱乘龍言得婿如龍也

楚國先賢傳

張希良曰神

龍此文婿乘龍之原始也

仙拾遺記弄玉乘鳳蕭史乘

樂廣謂之水鏡女壻衛玠時號玉人故曰婦翁冰清

女壻玉潤

世說

郭元振少時美風姿張嘉欲納爲壻令五女各持一絲幔前使郭牽之得者爲壻遂牽一紅絲得第三女大有姿色

開元天寶遺事

廣俗壻未見妻之父母先飲一杯曰盪風杯

番禺記

陸鵬尚安平公主卽東萊王女也魏孝武謂東萊王曰阿翁真得好壻

周書

郭瑀有女欲爲覓一快壻遂以妻劉延明

何氏語林

權德輿女妻獨孤郁憲宗曰德輿乃有佳壻

國史補

柳開過錢供奉家見壁繪一婦人像甚美詰之知爲供奉女弟遂強聘爲繼室時供奉父奉朝請在京聞之怒以劫女奏仁宗曰柳開奇傑士卿得佳婿矣朕爲媒可乎供奉父拜謝

女世說

贅婿由來已久賈誼治安策秦人家貧子壯則出贅又史記淳于髡齊之贅婿也

七修類稿

馮布少時贅於孫氏其外父有煩瑣事輒曰俾布代之至今吳中以贅婿爲布代

三餘帖

世稱贅婿爲布袋謂如身入布袋氣不得出也又云人家有女無子恐世代自此而絕不肯出嫁招婿以

補其世代

猗覺寮雜疏

俗呼補代爲野猫謂銜妻而去也

涪居錄

秦會之以孫女嫁郭知運自答聘書有作贅字樣夫  
人欲去之秦公曰必如此乃束縛得定

老學菴筆記

番重生女贅壻於家謂之有賺

番社采風圖

同門之壻爲友壻

漢書注

兩壻相謂爲亞今呼僚壻又呼連衿連袂

嬾真子錄

喬公二女皆國色孫策納大喬周瑜納小喬策從容  
戲瑜曰喬公二女得若二人作壻亦足爲歡

江表傳

蕭詩與陸象先爲僚壻人謂陸郎位極人臣不如蕭

郎一門盡貴

事文類聚

西方謂亡女婿爲邱婿邱空也

漢書注

舊史卷十六

東吳王初桐于陽篋述

全椒金兆燕棕亭校刊

徐屬門三

姊妹姑

宋后姊妹皆有才能令色永平末俱選入宮配皇太子皆有寵太子卽位姊妹並爲貴人

續漢書

袁隗娶馬融女隗曰姊未適妹先行可乎對曰妾姊高行家君庶堯配舜孔子妻公冶長之義故躊躇不似鄙薄苟然而已隗默然慙

何氏語林

謝遏絕重其姊張元嘗稱其妹有濟尼者並遊兩家  
人問其優劣答曰王夫人神情散朗故有林下風氣  
顧家婦清心玉映自是閨房之秀

世說新語

鄭皇后雖貴幸面恒有憂色中宗問其故對曰妾有  
二妹未出中宗從容與劉隗言之皆得佳對

晉中興書

段儀二女皆婉惠有志操姊嘗謂妹曰我終不作凡  
人妻妹曰我亦不爲庸夫婦鄰人聞而笑之後慕容  
垂納姊其弟德亦納妹姊妹俱爲皇后

後燕錄

宋廷芬五女長若華次若昭若倫若憲若旬若華誨

諸妹如嚴師

因話錄

元載拜中書妻王韞秀寄諸姊妹詩云并年解笑鳴

機婦恥見蘇秦富貴時

詩話類編

宣和辛丑官軍捕賊過緡雲陳氏二女被執揮刃於  
旁逼汚之長女不爲動掠髮伸頸請受刃官軍斫之  
次女竟汚焉後有諗之曰若獨不能爲姊所爲乎次  
女慘然連言曰難難

龍川文集

徐廷龍二女長曰淑英次曰德英皆善屬文女紅之  
外未嘗釋卷德英著建文紀孟母仇氏贊及悼志賦  
淑英有貞蕤集

莆田志

許阿秦竹隱長女竹隱詩憑他道韞誇風絮爭似儂

家有阿秦阿秦與妹阿尊阿蘇阿芬唱和爲樂

淑秀集

劉氏二女爲倭所掠先取其姊姊厲聲曰我家女

也肯污賊乎倭笑慰之曰若從我當詢父母歸汝女

曰父母未可知此時尚論歸耶倭尚撫背作欵曲狀

女怒大罵時黃昏倭方縱火女卽赴火死已復侵其

妹妹又大罵倭露刃脅之不爲動曰欲殺卽殺倭欲

強犯之女紉曰吾固願從俟姊骨燼乃可否則不忍

也倭喜負薪益火火熾女又赴火死

瓊臺外紀

沙才沙嫩姊妹齊名有二趙二西之目

板橋雜記

周侍郎有尋姊妹帖

放翁題跋

哈烈婚室多以姊妹爲至親

西域志

女嬃屈原姊也楚人謂姊曰嬃袁山松云屈原姊聞屈原放逐來歸令自寬故離騷云女嬃之嬋娟兮申其詈予

合璧事類

荆州圖經姊歸岸因屈原姊

公乘子皮族人死其姊泣之悲子皮止姊曰安之吾行嫁姊已過時不復言後魯君欲相子皮姊曰臨喪言嫁不習禮也過時不言不達情也子內不習禮而外不達情爲相必敗後如言

雕邱襍錄

聶政爲嚴仲子報仇刺韓相俠累因自皮面決眼以死暴尸懸金購問無知者其姊妾聞之曰其吾弟與

乃如韓市而死者果政伏尸哭曰是軹深井里聶政也  
以妾在故重自刑以絕從妾奈何畏沒身之誅還  
賢弟之名乃呼天悲哀而死政側

女世說

漢光武初起義兵敗單馬走遇女弟伯姬與其騎而  
奔前行復見姊元趣令上馬元以手搗曰行矣不能  
相救無爲兩沒也

女世說

李固爲梁冀所害女文姬乃以弟變匿於父門生王  
成亡命徐州涕泣送之謂成曰託君以六尸之孤若  
李氏得嗣君之名義參於程杵矣久之遇赦變得還  
姊弟相見悲感路人

漢中士女志

梁冀害李固固子變以先遁得免及冀誅還里其姊  
文姬戒之曰先公正直爲漢忠臣而遇梁冀肆虐血  
食幾絕今弟幸而得濟宜杜絕衆人勿妄往來慎無  
一言加於梁氏加梁氏則連累上禍重至矣惟引咎  
而已變謹從其誨

女世說

賈逵年五歲其姊聞隣家讀書日日抱逵就籬聽之  
逵年十歲乃暗誦六經父曰吾未嘗教汝何得致然  
答曰姊嘗抱於籬邊聽隣家讀書也

拾遺記

郝子廉過姊家飯密留五十錢置席下而去

風俗通

沐並過姊姊爲殺雞炊黍而不留

魏志注

王羲之郝夫人謂二弟愔曇曰王家見二謝傾筐倒

皮見汝輩來平平耳汝可無煩復往

世說

王凝之謝夫人嘗語弟元曰汝何以都不復進爲是

塵務經心抑天分有限

開闢語林

彭城王義康有罪放逐會稽公主姊也嘗與帝宴洽

中席起拜流涕曰車子恐不爲陛下取客車子義康

小字也帝因封餘酒寄義康曰昨與會稽姊飲樂憶

弟故附所飲酒往遂宥之

教功記

駱統八歲時減飲食以飼飢者其姊見統甚哀曰何

不告我而乃自苦以私粟與統

梁朝問錄

長廣橋者宋武帝姊昔賣鈔糴米還橋下不敢近無  
船得渡日晚宋帝大饑从方見姊負米還乃謂姊曰  
若異日富貴當廣此橋遂爲名也

梁典

劉梅女教弟讀書親正句讀

北史

苻堅滅燕慕容冲姊清河公主年十四有殊色堅納  
之冲年十二亦有龍陽之姿堅又幸之姊弟專寵長  
安歌之曰一雌復一雄雙飛入紫宮

北史

張巡姊嫁陸氏軍中號陸家姑

韻學事類

李勣姊病嘗自爲粥而療其鬢

唐書

李長吉姊嫁王氏者語長吉事最備

李義山文集

溫庭筠有過爲留後楊勗笞逐卒不登第其姊爲趙  
顯妻每切齒於勗一日勗過顯廳溫氏出廳前執勗  
袖大慟牢不可解且數曰若阨吾弟吾弟年少宴游  
恒情耳奈何以一笞笞之致凌霄遠翮永摧糞壤乎  
復大哭从乃解勗以此憤訝致隕

玉泉子

女子張雨早喪父母年五十不肯嫁留養孤弟二人  
教其學問各得通經

蘇氏家語

成國夫人王氏宣宗皇后之姊權勢薰天出入宮掖  
無時度号自在夫人

歸潛志

庾倬爲兵曹常報已饌以餉其寡姊

因話錄

江伯欲嫁寡姊姊引鎌自割伯因前救姊觸鎌傷姊  
遂亡

世說新語

婦人以姐爲稱說文曰姪字或作姐近世稱女兄爲  
姐蓋尊之也按左驥史納寒姐名倡蓋當時樂人以  
是知婦人之稱姐漢魏時已然矣

龍改齋漫錄

易歸妹以須注云有才智之稱天文有須女屈原之  
妹名女須

鄭志

詩孔穎達疏引此

皆瞍與象每欲殺舜其妹嫫首每爲之解嫫或作繫

列女傳舜女弟繫與二嫂諧

路史注

舜妹名夥手

通鑑綱目注

舜妹嫫姆脫舜於瞽象之害

客中閒集

介子推妹介山民恥兄要君積薪自焚後人建姑女  
祠

道山集

吳王闔閭葬其妹殉以美女珍寶異劍窮江南之富  
未及十年雕雲覆于溪谷美女遊于塚上白鵲翔於  
林中白虎嘯於山側

拾遺記

李延年與女弟俱幸武帝時人語曰一雌復一雄雙  
飛入紫宮

漢書

班超在西域从其妹昭爲上書帝徵超還

謝承後漢書

先主入蜀權遣船迎妹妹同至魚磧溺水而死今人

呼爲焦磯娘娘

詩集卷記  
人廟即孫夫人

山谷集集賢有雷澤夫

左芬左思之妹也思有贈妹詩芬輒答焉

事文玉屑

鮑令暉歌詩清巧擬古尤勝昭嘗答孝武曰臣妹才

自亞于左芬臣才不及太冲耳

詩品

六朝小詩有蕙芳亦嬌小不知蕙芳何女子及讀太

冲集嬌女詩云其妹字蕙芳乃知出此

少室山房詩

香奩集云後魏時相州人作李波小妹疑其未備因

補之韓偓所補似言閨房之意大非其實北史廣平

人李波宗族彊盛殘掠不已公私咸患百姓語云李

波小妹字雍容褰裙逐馬如捲蓬左射右射必疊雙

婦女尚如此男子安可逢

西寧叢語

顏延之之妹適劉憲之理家勤而精內外諸務一不

訟之盡皆廢閣

詞叢類摘

劉孝綽諸妹文彩艷質甚於神人也

齊書太清記

劉孝標三妹並有才學二妹令嫺文尤清拔

邢管集

鮑照嘗登大雷岬與妹書

西京雜記

畢構初丁繼母憂兩妹在襁褓親乳之乳爲之出及

亡二妹皆慟絕且言曰昔人謂母兮鞠我今吾兄代

乳猶母也欲酬劬勞應從慈服遂終三年

女世說

閩園妹有文學善書札園嘗語同宗曰某家有一進

士所恨不柳耳

南楚新聞

世傳蘇子瞻有小妹嫁爲秦淮海之妻按墨莊漫錄

云延安夫人蘇丞相子容內也有詞行於世或以爲

東坡女弟適柳子王者所作非也菊坡叢話云老蘇

先生之女適其母兄程璠之子之才然則子瞻二妹

一適柳一適程非秦淮海

懷秋集

侯蜀錄延安夫人有寄李玉妹詞

晁以道致仕而復起其女弟四娘詣之

珊瑚鈞詩話

宋宗慤有妹名鍾堽

夢溪筆談

續博物志作鍾葵

吳寅夫嘗室其少妹且與生子

輟耕錄

文信公寄妹詩後書云可將此詩呈嫂氏歸之天命

仍語靚粧瑤英不曾周旋得毋怨毋怨徐奴以下皆可道達吾此意令柳女環女多做人婆婆管不得淚下哽咽哽咽兄天祥書達百五賢妹鐵網珊瑚吳承相與妹書觀此魚之流涕文由全集宣統之敗夫入與柳小環環小環與人前信人與後信秦彭欲嫁寡妹寡妹不嫁引鎌自害東觀漢記

楚人稱妹曰阿媚

事物紀原

周文姬有鍾馗小妹圖

宣和書譜 龔尾續集吳道子有鍾馗小妹圖

楊慎有鍾馗嫁妹圖記

龍尾集

盧延有從女弟年在孩乳其母不能活之棄於溝中

延爲收養遂成八歲人

合璧事類

建岐王女融從妹融嘗至其家與從妹宴飲自注

淮南王安生子遷爲太子娶皇太后外孫修成君女爲太子妃張敖曰武帝外姊之女也應劭曰修成君皇太后先適金氏所生之女也言簡

漢武帝母王太后微時爲金王孫婦生女在長陵小市武帝立自駕迎之直至其門家人驚恐女逃匿扶將出拜帝下車泣曰大姊何藏之深也載至長樂宮與俱謁太后東坡詩注

左傳聲伯嫁外妹管于奚之女于施孝伯注外妹爲同母異父妹也  
春秋左傳詳注測義

烈女竇桂娘既以才色在李希烈側乃與陳先奇妻  
相往來以姊妹叙齒

樊川集

初韋太后與喬貴妃相結爲姊妹而貴妃先遭遇遂  
薦太后亦得幸後徽宗北狩二人皆從及高宗立迎  
母還貴妃舉酒酌送曰姊姊此歸見兒卽爲皇太后  
矣宜善自保重妹妹永無還期終淪骸朔漠冀魂遊  
故鄉耳大慟而別

三朝北盟會編

董心葵與劉允各內室而合外戶兩家內人結爲姊  
妹歌

看花行者談往

南京舊院有色藝俱優者或一十姓二十姓結爲手

帕姊妹

板橋雜記

范丹候姊姊飯之以姊夫不德留錢百文

風俗通

王羲之娶郗鑒女愔又羲之姊夫

王氏譜

平湖朱炳少女年十六炳卒女之姊夫謀欲私之強

附同居數挑之以言女遂縊父柩旁

浙江通志

妹婿曰媚

公羊傳

趙岐爲妹婿之故屈志于馬融

三輔決錄

袁彥道有二妹一適殷淵源一適謝仁祖語桓宣武

曰恨不更有一人配卿

世說

王詢曰惟覺妹夫疏于婦弟

續釋常談

女謂姊妹之夫曰私莊姜譚公維私是也爾雅姊妹之夫爲甥今無此稱矣

三餘帖

魯人之僕有姑修元女術得道白日上昇一日降于泰山召僕飲極歡臨別贈以金矢韞而寶焉因以金僕姑名之自後魯之良矢皆名金僕姑

膠葛

齊桓公好色姑姊妹有不嫁者

春秋外傳拾遺

齊師攻魯至郊見一婦人棄所生子抱兄子逃齊將問之對曰于於母私愛也姪從姑公義也若背公向私謂義何齊軍曰郊野婦人猶持節行況朝廷乎遂回魯君旌其門號曰義姑

列女傳

梁宣節姑之室失火兄子與已子在內入取兄子輒

得其子及火盛不復得入赴火而死

列女傳

呂太后崩上將軍呂祿出遊獵過其姑呂須領大怒  
曰若爲將而棄軍呂氏今無種矣乃悉出珠玉寶器  
散堂下曰無爲他人守也

女世說

王爽曰亡姑亡姊伉儷二宮

世說 中興書曰王蒙女諱穆之爲哀帝皇后

王藉女諱法惠爲孝武皇后

栢文林姑是楊司空夫人文林父卒姑赴哀止于傳

舍整粧而入文林心非之

語林

譚詞有秦叔寶見姑娘

板橋雜記

元載妻王韞秀既貴每分衣服器飾于他人惟不及  
太原之骨肉且曰兒非不禮于姑姊妹其奈當時見  
辱乎

易詢錄存徵

張士遜幼養於姑仁宗封南安郡君

東都事畧

山谷有題徐氏姑壽梅亭詩

山谷集

謝敬妻許氏死而復蘇云冥間曾見沈丈沈丈者其  
姑夫沈光也南間人呼姑姨夫爲丈

法苑珠林

蔡邕書集呼其姑女爲家姑家姊

顏氏家訓